



Traži se produženje pritvora za Adnana Mrkvu i Amela Ćapina Vlasnici "Mrkve" pronevjerili i više od pet miliona i 418 hiljada maraka

Tužilaštvo je do sada saslušalo 14 osoba, koje imaju neposredna saznanja o pranju novca, kazao na ročištu u Kantonalnom sudu Sarajevo tužilac Senad Osmić

U Kantonalnom sudu Sarajeva održano je ročište za produženje pritvora Adnanu Mrkvi i Amelu Ćapinu koji su uhapšeni 30. novembra u akciji „Rebus“ koju je provodila SIPA.

Lišeni su slobode zbog osnovane sumnje da su počinili krivično djelo organizirani kriminal, u vezi s krivičnim djelima poreske utaje, da su oštetili državu za više od pet miliona KM u sklopu rada u društvima Mrkva

Group i „Mrkva. Produženje pritvora u naredna dva mjeseca, jučer je na ročištu zatražilo Kantonalno tužilaštvo Sarajevo.

-I u ovom trenutku se otvaraju predmeti u paketima, vrećama, koji su zaplijenjeni tokom pretresa od 30. novembra ove godine. I već imamo 150 kucanih stranica o tim predmetima. I tokom januara će se otvarati predmeti, a potom vještačiti oduzeti računari,

mobiteli. Tužilaštvo je do sada saslušalo 14 osoba, koje imaju neposredna saznanja o pranju novca. Vještačenjem je primjera radi, utvrđeno da se dobit za određen vremenski period prikazivala sa 140 hiljada KM, a stvarna dobit je 400 hiljada KM. Očigledno je da je utajeni porez i viši od iznosa pet miliona i 418 hiljada KM - kazao je na ročištu tužilac Senad Osmić.

Obrana se pozivala na to da je pretres bio nezakonit, da puštanje na slobodu Adnana Mrkve i Amela Ćapina ne bi ometalo istragu i da nema razloga za produženje pritvora.

Odranije je poznato da obojica imaju dvojno državljanstvo, jer su nekoliko godina živjeli u Americi. Tako da imaju i bh. i američko državljanstvo. E. D.-š.